

出塞日記

光緒十年乙酉

澗

于

日

記

出塞日記 光緒十一年乙酉

四月初一日宿宣化

初二日至張家口敗陞店萬全縣知縣張上和來見

浙江

仁和人字汝尊難蔭知縣

初三日往見署都統承德

字峻峰

參領黃祺

字介臣

初四日永都統來答

張口同知褚瑄來見

字文軒湖北舉人

初五日董介臣來

派頭臺効力

察罕託落海

初六日報出口到臺

王榮從軍詩許應為完士一言獨敗秦李善選注完

謂全具也言非有奇也論衡曰西門豹董安于誠為完具
之人能納韋經之教也潤鑑類函引此完士今之四歲
刑士也不知引五臣注在記之備攷漢書張蒼定律諸
當髡者完為城旦春滿三歲為鬼薪白粲鬼薪白粲一
歲入於隸臣妾隸臣妾一歲免為庶人完士似作刑士為得解
說文寬古文完字宜完為城旦之完即寬宥之寬也

初七日晴

初八日往見紹都統祺

字秋皋

紹以余不拜臺貲頗致

規諷其意良厚然余被讒以出若盡沒其素守以

求合於羣不逞之徒非艱貞之道也

達楊啓泰賈振勝回津合肥琴生均有書附寄

閩書二

伯潛寄牛乳餅
周子玉謝韻會

都下書四

高陽醴陵
南北兩宅

兩弟書

各一

午後急雨一陣

晉書和嶠傳太傅從事中郎庾顗見而歎曰嶠森如千

丈松雞磔柯多節目施之大厦有棟梁之用庾鼓傳鼓

聚斂積實都官從事溫嶠奏之數更罷嶠目嶠森如

千丈松雞磔柯多節施之大厦有棟梁之用長輿太真

名同以致複載亦疏矣

初九日時雨時止

晉書疏誤特甚直書錄案唐藝文志為晉書者
有王隱虞預臧榮緒謝靈運干寶諸家太宗以為
未善今偶檢陳志裴注及文選李注所引各書尚
較房書詳核

初十日晴往答諸同知庚辰偶游張堡略識塞上情
勢三廳改用滿漢並補卅余議也孝建推之於山西
七廳經荒理初邊人便之嗣後恪請議治今河只余

據郡志力止其徼在西臺則撤游牧差在澤署則
禁俄棧地八年臺站大旱疏請振貸此數日余
幸忘之而邊城吏民猶能道其事今日重來為
之慨喟不置夜不成寐

十日晴

寄家書附張卡憲書浚湖之別感賦長句錄奉
清鑒塞上間有山寺可游坡云每出勞人不如開戶有
味謫居深味此言也通惠河魚頗美猶言嚴軟松江
遠甚邊鄙求枯鱗不可得正當以羊酪抵尊

美耳

唐張鷟號浮休子宋史張舜民字芸叟自號浮休居士何張氏之均快浮休也

十二日晴

十三日晴 晚龍松岑果擬侯李中者地理韻編借

北三廳志

十四日晴 作書甚艱窘

十五日晴

近人書有佞雅實俗者如言銀錢三百則曰毛詩廿四則曰花

信之類偶閱山谷讀致白宗禹一則鮮自源聞中文行之
士聞兩三到門昨乃幸一見承有宸王孫之意不識能割
甫田歲取之數否如不能則自報至於成湯亦佳也又不能
刺盤庚徙民沙河猶可若乃衛文公之騷北吾何望哉
聯篇謎語度詞閑之噴飯蓋吝者蓄財貧士求助文節
不得已而以妙語解頤身豈可據為典要哉

十六日晴

寄家書

南北各一
通

十七日晴午後陰

肄書無所得學山谷而病似坡不能雙鉤懸腕奈何

十八日晴午後風霾作雨不成

得都下家書內人病未愈十二日甚悶

十九日晴

檢明郎報朝邑乞病賞假十五日聞和約猶未定議

寄家書

歐陽公研譜凡瓦皆發墨今見官府典吏以破盆甕片

研墨作文書尤快近人率以銅合貯墨更快於破盆甕

片而館閣及士人遇殿廷試率用程君房方于魯磨

藥域集缸研賦叙
先蜀之老有姓滕者
能以藥煮瓦石使軟
可割如土嘗以破甕
酒缸為硯極美云

瞻將益州以其一道
授余為賦臣補以
一視諱所不及也

墨汁一試費墨不知幾螺亦松滋浩劫也

二十日晴

二十一日晴 午後倪泰來信知粹王病日增遣褚福書錄

並寄邊潤民師書作家書

南北宅名一

附寄合肥高陽

書

二十二日晴 褚福早行是日見邸報查辦軍臺恩

詔兵部奏奉

諭佩綸軍務獲咎毋庸查辦

二十三日晴

二十四日晴連日始有夏意然猶袷衣也

午後龍松岑來談言玉皇閣有經幢有字而無年月
乃宮星署張廳司知時自塞外輦來者龍去張令
至言甚雜惟言隋碑一通在完縣擬託勞王初捐
贈云

晚得合肥書

九日方到

和議已成事由赫德電商法國定約

合肥及兩使簽字而已

柳州亦駭之曰視
遠步高犯迂伐
盡者皆必乎死

歐陽公有辨左氏一首不取外傳柯陵單襄論晉厲語
謂目客知心聖人不能反復讀之不解公命意所在

則宜死者眾矣
柳公謫多憤鬱
語不近恠歐公何為
者且既見於柳之
非國語則此文可
刪矣

殆少作耳

二十五日晴

往答張大令龍戶部伯小坐即返

寄家書

附九弟及許鶴巢書

二十六日薄暮雨

連日天煖可衫

寄復金肥書

交驛遞

二十七日晴

椿壽賜奠外部過此

二十八日晴

和歐陽文忠班、林間鳩寄內詩

二十九日晴

讀莊子漢書敘傳嗣雖修儒學然貴老嚴之術桓生欲
借其書嗣報曰若夫嚴子者絕聖棄智修生保真清虛澹
泊疎之自然獨師友造化而不爲造化所役者也漁釣於一壑
則萬物不奸其志棲遯於一邱則天下不易其樂不往聖
人之網不巢驕君之餌蕩然肆志談者不得而名焉故可
貴也今吾子已貫仁誼之羈絆繫名聲之韁鎖伏周孔之
軌躅馳顏閔之極軌既繫寧於世教矣何用大道爲自
眩曜昔有學步於邯鄲者曾未得其髣髴又復

失其故步遂匍匐而踈耳恐作此類故不進
敘傳稱嚴
子避上諱而藝文志仍書莊子五十二篇不諱

三十日晴

子涵臨行贈余柳河東集附龍城錄明郭氏刻精本也
直學書錄謂唐志無此書蓋依訖或云王銍性之作山
谷內集其甥洪氏兄弟所編斷自退聽堂以後而直學曰
進德堂以後直學不至誤聚珍板失校耳

五月初一日晴

得家書 已刻褚福亦疎攜瓜壺巢阮甚豐

燒颿書言都下傳言余賜環往勘琿春畛數日始

已

得八弟書劉巡撫檄辦台州海門釐捐

初二日天煩熱午後雷雨

張平子思元賦載人
華之玉女召洛浦
宓妃謂明帝洛
神出其賦中語上帝
所改耶于雲反
騷上有之

離騷吾今豐隆乘雲兮求宓妃之所在于建本之作洛神
賦盛年莫當良會永絕皆自喻也潛處太陰寄心君王
明道破矣乃無端造感甄之說誣謗陳思在甄氏雖
再醮之婦不可言貞而思若有靈以糠塞口冤恨以沒
亦何暇蒙羞自薦陳思憂讒畏譏明禮知義即有

恍惚夢寐之遇亦安敢撰為詞賦自取誅夷耶託
極庸妄或即郭后等所造之謗李善采以入注可
云無識余故表而出之以雪甄后地下之冤以洗陳思
不根之謗是亦史遷於陳平傳先述嫂之意歟行篋
攜書
不多是說當有發之者如無人拈出當作一文讀之

初三日晴

枯坐甚悶作悼鳳詩

初四日晴

得章琴生同年書附詩六絕李仲彭孫闓如均

有書

初五日晴

賜光山有泉兩泓上注者曰歆玉仄出者曰汎珠命僕

汲泉品龍井茶味寒冽

後漢王霸傳盧芳与匈奴烏桓連兵寇盜尤數緣邊

愁苦詔霸將弛刑徒六千餘人与杜茂治飛狐道今蔚

州飛狐縣北通娑州懷戎縣即古之飛狐口也

堆石布土築越亭障自代至

平城三百餘里凡与匈奴烏桓大小數十百戰頗識邊

事數上書言宜与匈奴結和親又陳委輸可從温水